

Офият ўтинчи...



11:00 / 26.06.2020 2762

Бир ҳаким зотдан: “Саодат нима?” деб сўралганда: “Дунёдаги офиият ва охиратдаги афв”, деб жавоб берган эканлар. Дарҳақиқат, офиият, саломатлик қанчалар улуғ саодат, қанчалар буюк неъмат экани шу кечакундузда барчага аён бўлиб қолди.

Тонгда уйғониб, энг сўнгги маълумотни қарасам, 531 мингдан ортибди, касалланганлар сони. Кунига минглаб инсонни ўз домига тортяпти бу вабо, бу офат...

Нима қилиш керак, қандай даф қилиш керак бу ғанимни?

Ҳамма-ҳамма, табиблар, сиёсатчилар, ишбилармонлар, подшоҳлару оддий фуқароларнинг фикри-зикри шу балодан қандай қутулишда, нажот йўлини топишда...

Тўғри, сабаблар ушланяпти, эҳтиёт чоралари қўлланяпти, тозалик-гигиена, масофа сақлаш, қўлни совунлаб ювиш, никоб тақиши ва бошқа талабларга имкон қадар инсоният, дунё халқлари деярли бир хилда риоя қиласпти...
Лекин..

Лекин, уч ой бўляпти, тўхтай демаяпти бу қўринмас маҳлук қурғур... Вужудга келган макони, уясидаку деярли боши янчилди, аммо аллақачон оламга тарқаб улгурибди у вирус...

Алҳамдуиллаҳ, бундай дамдаги лозим бўлган энг муҳим ишларни ҳам инсонлар тушуниб, англашяпти. Яъни, оламларнинг Роббисига дуолар қилинняпти... Устозлар, уламолар, имомлар, қорилар, кексалар, гўдаклар, барча ҳалқимиз Яратганга юзланиб, илтижолар қилишмоқда. Минглаб хатми Қуръонлар ўқилди, ўқилмоқда, миллионлаб салавотлар йўлланмоқда, зикру тасбеҳлар айтилмоқда...

Мұхтоҗларга әхсонлар қилинмоқда, қийналганга ёрдам берилмоқда, bemorлар ҳолидан хабар олинмоқда. Энг асосийларидан бири - ҳалқимиз оғир дамларда жипслашмоқда, бир-бирини қўлламоқда, суямоқда..

У давлатнинг юқори вакилими, оддий хизматчими, барча инсонлар имкон даражасида ўз ишига масъулият билан, имон-эътиқоди, виждони талаби билан ўз вазифасини бажариб, ушбу мусибатнинг аришида ўз ҳиссасини қўшишга уринмоқда.

Зеро, ўтган донолардан бири айтганидек: “Касалликнинг энг фойдали даволаридан бири яхшилик, әхсон, зикр, дуо, тазарру ва тавба қилиш, Аллоҳга ёлборишдир. Бу ишларнинг касалликни даволаш ва bemornинг соғайишида табиий дорилардан таъсири кўпроқ”.

Аллоҳ таоло Қуръони Каримда бу ҳақда шундай марҳамат қиласи:

“...Роббинг сермағирад, раҳм-шафқат соҳиби бўлган Зотдир” (Қаҳф сураси, 58 оят).

Аллоҳдан ялиниб, ёлбориб сўрашда давом этайлик. Нажот фақат Ўзидан, шифо фақат Ўзидан, күшойиш фақат Ўзидан... Саҳарларда дуо қилайлик, тунлари дуо қилайлик, ижобат этишини, Ўз фазли ила бу синовларидан ўтказишини, қутқаришини ўтинайлик.

Меҳрибон Аллоҳ қисқа фурсатларда оғият - хотиржамлик ато этсин, барчамизни паноҳида асрасин.

Бобур Аҳмад